

ՀԱՇՎԵՏՎՈՒԹՅՈՒՆ

Իտալիայի Հանրապետություն (Միլան) գործուղման արդյունքների վերաբերյալ

1. Անունը, ազգանունը, զբաղեցրած պաշտոնը.

Արսեն Թորոսյան, ՀՀ աշխատանքի և սոցիալական հարցերի նախարար

2. Գործուղման վայրը և ժամկետները.

Իտալիայի Հանրապետություն (Միլան), 2025 թվականի նոյեմբերի 24-ից 26-ը

3. Հրավիրող կողմը.

Իտալիայի Հանրապետության հաշմանդամություն ունեցող անձանց հարցերի նախարար Ալեսսանդրա Լոկատելլի

4. Գործուղման նպատակը.

Երկկողմ համագործակցությանն առնչվող մի շարք հարցեր քննարկելու նպատակով

5. Քննարկված թեմաները.

Այցի շրջանակում կայացած հանդիպումների ընթացքում քննարկվել են հաշմանդամություն ունեցող անձանց համար համայնքային փոքր խմբային տների կառուցման, զբաղվածության և ներառականության, մատչելի և հավասար պայմանների ապահովման ոլորտներում Իտալիայի հետ համագործակցության և փորձի փոխանակմանն առնչվող հարցեր, ինչպես նաև Հայաստանի Հանրապետության աշխատանքի և սոցիալական հարցերի նախարարության և Իտալիայի Հանրապետության հաշմանդամություն ունեցող անձանց հարցերի նախարարության միջև՝ 2025 թվականի հունիսին Երևանում ստորագրված համագործակցության մասին հուշագրից բխող գործողությունների իրականացման համատեղ ծրագրերը և միջոցառումները:

6. Հանդիպումները, ելույթները, բարձրացված կամ քննարկված հարցերը.

Աշխատանքային այցի շրջանակում հանդիպել են Իտալիայի Հանրապետության հաշմանդամություն ունեցող անձանց հարցերի նախարար Ալեսսանդրա Լոկատելլիի հետ, որի ընթացքում քննարկվել են երկու երկրների աշխատանքի և սոցիալական պաշտպանության ոլորտի առաջնահերթությունները, մասնավորապես՝ ընդգծվել է անհրաժեշտ աշխատանքների իրականացման և փորձի փոխանակման կարևորությունը՝ հաշմանդամություն ունեցող անձանց մատուցվող ծառայությունների բարելավման գործընթացում:

Այս համատեքստում կարևորվել է հաշմանդամություն ունեցող անձանց համար համայնքային փոքր խմբային տների կառուցման, զբաղվածության և

ներառականության ապահովման ոլորտներում Իտալիայի հետ համագործակցությունն ու փորձի փոխանակումը:

Ներկայացվել է խոցելի խմբերի համար Իտալիայում իրականացվող պետական ծրագրերը, դրանց իրականացման գործընթացում պետության և համայնքների փոխգործակցությունը:

Քննարկել ենք նաև սույն թվականի հունիսին Երևանում ստորագրված համագործակցության հուշագրից բխող գործողությունների իրականացման ընթացքն ու հետագա անելիքները:

Ալեսսանդրա Լոկատելլիի հետ այցելել եմ Միլանի խոշորագույն բժշկական կառույցներից մեկը՝ Նիգուարդայի հիվանդանոց (1200 մահճակալային հզորությամբ), ինչպես նաև «Centro Nemo» մասնագիտացված կենտրոն: Հիվանդանոցի տնօրենը ներկայացրեց մատուցվող բուժական և վերականգնողական ծառայությունների ամբողջական շրջանակը՝ առանձնապես շեշտելով ձիաբուժության (հիպոթերապիայի), այրվածքաբանության և նեյրոմկանային հիվանդությունների ուղղությամբ իրականացվող ծրագրերը: Հիվանդանոցը սպասարկում է ինչպես տեղում գտնվող պացիենտներին, այնպես էլ դրսից ժամանող հիվանդներին՝ առանձնակի ուշադրություն դարձնելով երեխաներին:

Այցելել ենք նաև նեյրոմկանային հիվանդություններով անձանց համար նախատեսված բաժանմունք, որտեղ իրականացվում են ժամանակակից դեղամիջոցների կլինիկական փորձարկումներ՝ ուղղված պացիենտների բուժման արդյունավետության բարձրացմանը:

Միլանում Ալեսսանդրա Լոկատելլիի հետ այցելել ենք նաև հաշմանդամություն ունեցող անձանց և նրանց ընտանիքների ասոցիացիայի կողմից ղեկավարվող «Bottegaio NoStrano» օրգանական սննդի խանութ, որտեղ բոլոր հարմարեցումներն արված են հաշմանդամություն ունեցող անձանց աշխատանքային պայմաններն ապահովելու համար: Խանութի գործունեությունից առաջացած ողջ հասույթն օգտագործվում է հաշմանդամություն ունեցող անձանց ասոցիացիայի կարիքները հոգալու համար, որն իր հերթին զբաղվում է վերջիններիս անկախ կյանքը կազմակերպելու, տնային պայմաններում օգնականների ծառայությունների, ինչպես նաև այլ ներառական միջոցառումներ անցկացնելու համար:

Կարևորելով խոցելի խմբերի զբաղվածության, մատչելի և հավասար պայմանների ապահովման, սոցիալական ներառման և ինքնարտահայտման հնարավորությունների ստեղծմանն ուղղված աշխատանքները՝ ընդգծել եմ, որ սոցիալական ձեռնարկատիրությամբ զբաղվելն այդ ճանապարհներից մեկն է: «Bottegaio NoStrano» օրգանական սննդի խանութում շփվել ենք աշխատակիցների և հաշմանդամություն ունեցող անձանց հետ, ծանոթացել խանութի գործունեության կազմակերպման մանրամասներին, կատարել գնումներ:

Նախարար Ալեսանդրա Լոկատելլիի ուղեկցությամբ այցելել ենք հաշմանդամություն ունեցող, կյանքի դժվարին իրավիճակներում հայտնված անձանց, հատկապես երեխաների համար նախատեսված «Cometa» անկախ կյանքի կենտրոն և «Agora 97» սոցիալական կոոպերատիվ, որի ենթակայության տակ գործում են համայնքային փոքր տներ, որոնք իրենց հերթին ծառայություններ են մատուցում հաշմանդամություն ունեցող անձանց և կյանքի դժվարին իրավիճակներում գտնվողներին:

Շրջել ենք կենտրոններում, ծանոթացել պայմաններին, մատուցվող ծառայություններին, շփվել բնակիչների հետ: Շրջայցի ընթացքում խոսել ենք հաշմանդամություն ունեցող անձանց համար մատչելի միջավայրի ապահովման, ըստ կարիքի՝ ամբողջական և մասնագիտացված ծառայությունների տրամադրման անհրաժեշտության մասին:

Իտալացի գործընկերոջս ներկայացրել եմ Հայաստանում հաշմանդամություն ունեցող անձանց համար պետական առաջին անկախ կյանքի կենտրոնի կառուցման մանրամասները՝ նշելով, որ այն հնարավորություն է տալու հաշմանդամություն ունեցող անձանց օգտվել անհրաժեշտ ծառայություններից, այդ թվում՝ սոցիալ-վերականգնողական, զարգացման թերապիա, ինչպես նաև ձեռք բերել և զարգացնել անկախ կյանքի հմտություններ՝ հասարակության մեջ լիարժեք ներառվելու և ինքնադրսևորվելու նպատակով:

Իտալիայի Հանրապետություն այցի շրջանակում մասնակցել եմ Cometa կենտրոնի կողմից կազմակերպված «Օժանդակություն և տեղական բարեկեցություն» թեմայով գիտաժողովին և հանդես եկել ելույթով:

Ելույթում խոսել եմ երկու երկրների բարեկամական հարաբերությունների և ընդհանուր արժեքների պահպանմանն ուղղված ջանքերի մասին՝ նշելով, որ տարբեր ոլորտներում երկկողմ և բազմակողմ արդյունավետ համագործակցությունը զարգացել է ամուր գործընկերության և փոխադարձ հարգանքի հիման վրա: Հատուկ անդրադարձ եմ կատարել նաև Հայաստանի սոցիալական պաշտպանության ոլորտում իրականացված վերջին բարեփոխումներին ինչպես նաև զբաղվածության, ժողովրդագրության ռազմավարություններին, որոնց նպատակն է ունենալ մարդակենտրոն, ներառական և մարտահրավերներին պատրաստ սոցիալական համակարգ:

7. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.

Նիգուարդայի հիվանդանոց կատարած այցի ընթացքում կայացած քննարկումների արդյունքում ձեռք են բերվել հետևյալ պայմանավորվածությունները՝

- ✓ համագործակցել ՀՀ աշխատանքի և սոցիալական հարցերի նախարարության «Խարբերդի մասնագիտացված մանկատուն» ՊՈԱԿ-ի հիպոթերապիայի կենտրոնի հետ,
- ✓ ՀՀ առողջապահության նախարարության հետ համատեղ նախաձեռնել համագործակցություն այն բժշկական և վերականգնողական կենտրոնների հետ, որոնք սպասարկում են նեյրոմկանային ատրոֆիա և դիստրոֆիա ունեցող պացիենտներին,
- ✓ ձևավորել համագործակցություն պացիենտներին մատուցվող կոնկրետ ծառայությունների շրջանակում՝ փորձի փոխանակման և համատեղ ծրագրերի իրականացման նպատակով:

8. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.

9. Ստորագրությունը, ամսաթիվը:

X

Հավելված N 2
ՀՀ վարչապետի
N 326-Ն որոշման

«Հավելված N 3
ՀՀ վարչապետի 2018 թ.
սեպտեմբերի 19-ի N
1230-Ն որոշման

Հ Ա Շ Վ Ե Տ Վ ՈՒ Թ Յ ՈՒ Ն
ԳՈՐԾՈՒՂՄԱՆ ԾԱԽՍԵՐԻ ՎԵՐՋՆԱՀԱՇՎԱՐԿԻ ՄԱՍԻՆ

1. Մարմնի անվանումը **ՀՀ աշխատանքի և սոցիալական հարցերի նախարարություն**
2. Գործուղման մասին իրավական ակտի համարը **ՀՀ վարչապետի 11.11.2025 թ.-ի 1025-Ա որոշում**
3. Անունը, ազգանունը, զբաղեցրած պաշտոնը (մասնագիտությունը)
(թվարկել՝ պատվիրակություն գործուղելու դեպքում)
ՀՀ ԱՍՀՆ նախարար՝ Արսեն Թորոսյան
4. Գործուղման վայրը-**Իտալիայի Հանրապետություն՝ Միլան**
5. Գործուղման ժամկետները **24.11.2025 թ.-26.11.2025 թ.**
6. Գործուղման ծախսերի ֆինանսավորման աղբյուրը՝
 - 1) իրավիրող կողմի միջոցների հաշվին հատուցվող ծախսերը
(թվարկել՝ ճանապարհածախս, **գիշերավարձ, օրապահիկ և այլն**)
 - 2) պետական բյուջեի միջոցների հաշվին հատուցվող ծախսերը
(ՀՀ կառավարության 2005 թվականի դեկտեմբերի 29-ի N 2335-Ն որոշմանը համապատասխան)
(ընդգծել ծախսերի փոխհատուցման տարբերակը)
 - **ա. փաստացի կատարված ծախսերը հիմնավորող փաստաթղթերի հիման վրա՝ դրանցով սահմանված չափով, բայց ոչ ավելի, քան ցանկով նախատեսված չափերը**
 - բ. գործուղման անհատական իրավական ակտով տվյալ գործուղման փաստացի կատարված ծախսերի հատուցման պահանջի համաձայն

Ծախսի տեսակը	<u>Արսեն Թորոսյան</u>	<u>Ընդամենը (հազ. դրամ)</u>
--------------	------------------------------	------------------------------------

Ճանապարհաձախս	Ավիաճառայության տեսակը (էկոնոմ դաս, բիզնես դաս)	-	=
	Ավիատոմսի և ավիատոմսի ամրագրման արժեքը (դրամ)	110,877	<u>110,877</u>
Գիշերավարձ	Վճարը 1 օրվա համար (արտարժույթով)	-	-
	Վճարը 1 օրվա համար (դրամ)	-	-
	Օրերի քանակը	-	-
	Ընդամենը վճարվել է (դրամ)	=	=
Օրապահիկ	Վճարը 1 օրվա համար (EUR եվրո)	156	-
	Վճարը 1 օրվա համար (դրամ)	68,869	-
	Օրերի քանակը	3	-
	Ընդամենը վճարվել է (դրամ)	<u>206,607</u>	<u>206,607</u>
Ընդամենը ծախսեր (հազ. դրամ)			<u>317,484</u>

***օրապահիկի հաշվարկի համար հիմք է ընդունվել ՀՀ կենտրոնական բանկի «27» «նոյեմբերի» 2025 թվականի 1 եվրոյին համարժեք 441.47 ՀՀ դրամի չափը**

**ԱՍՀՆ ԳԼԽԱՎՈՐ ՔԱՐՏՈՒՂԱՐԻՆ
ՓՈԽԱՐԻՆՈՂ՝ ՎԱՀՐԱՄ ՏԵՐ-ԲԱԼՅԱՆ**

X